

四庫全書

史部

欽定四庫全書

欽定八旗通志卷一百二十四

人物志四

宗室王公傳二

和碩鄭獻親王濟爾哈朗和碩簡純親王濟度原封和碩簡親

王喇布

贈和碩親王武襄輔國公巴爾堪

和碩鄭獻親王濟爾哈朗

濟爾哈朗追封和碩莊親王舒爾哈齊第六子舒

爾哈齊

顯祖宣皇帝第三子

太祖高皇帝同母弟初封貝勒歲丁未東海瓦爾喀部斐
悠城長策穆特赫苦烏拉部長之虐乞歸附

太祖命舒爾哈齊同貝勒褚英代善往收其環城屯寨五
百戶以還

賜號達爾漢巴圖魯事詳廣畧貝勒褚英傳辛亥年八月
薨順治十年五月追封和碩親王謚曰莊濟爾哈
朗幼育

太祖宮中封和碩貝勒天命十年十一月同台吉阿巴泰
等援科爾沁有功事詳饒餘敏郡王傳十一年四
月征喀爾喀巴林部十月征扎嚕特部並有功天
聰元年正月同貝勒阿敏岳託阿濟格等征朝鮮
師屢勝次平壤城朝鮮王李倬遣使請和阿敏仍
欲進攻岳託不可濟爾哈朗謂不宜深入可駐平
山城以待和議之成遂引軍往與李倬議歲貢定
盟而還事詳克勤郡王傳五月從

上征明出寧遠舊邊進圍錦州同貝勒莽古爾泰等率偏
師衛塔山糧運遇明兵二萬人我前軍八十人奮
擊敗之尋移師寧遠與明總兵滿桂兵遇力戰被
創裹創復戰大敗其衆二年五月以蒙古固特塔
布囊自察哈爾移據阿拉克綽特部舊地遇來歸
我者輒阻殺

命同貝勒豪格往討誅之收其衆三年八月與貝勒德格
類岳託阿濟格等率師攻明錦州寧遠焚其積聚

多俘獲十月

上親統大兵由洪山口征明濟爾哈朗與岳託奉

命攻大安口毀其水門乘夜進擊走明馬蘭營叅將援兵

旦見明騎兵立二營山上濟爾哈朗先擊敗其衆

追至馬蘭營殲之是日自辰至巳五戰皆捷降馬

蘭營馬蘭口大安口三營兵趨石門寨明兵先聞

礮聲以為蒙古兵至倉皇來援悉斬之寨中官民

出降遂會大兵於遵化進薄北京十二月與貝勒

阿巴泰阿濟格杜度薩哈璘及總兵官楊古利等
率師三千畧明通州焚其船攻克張家灣四年正
月從

上圍永平先是劉興祚叛歸明與明巡撫袁崇煥同赴永
平聞我軍將至遂趨太平寨道殺喀喇沁蒙古之
以俘來獻者

上命濟爾哈朗與阿巴泰往捕追及於山海關斬興祚生
擒其弟興賢以獻大軍既克永平

命與薩哈璘統兵一萬鎮守察倉庫閱士卒置官吏降明

道員白養粹廢員孟喬芳楊文魁等以書招永平

所屬州縣營汛於是臺頭營副將王維城鞍山堡

千戶錢奇志遷安縣知縣朱雲台灤州守備李繼

全州同張文秀建昌叅將馬光遠相繼降三月

上班師遣貝勒阿敏碩託來代守永平濟爾哈朗因趨逆

西路招降榛子鎮乃還五年七月初設六部

命掌刑部事八月

上圍明大凌河城鑲藍旗兵圍西南濟爾哈朗率師為策
應旋同大貝勒代善等攻克近城臺保十一月明
總兵祖大壽以城降將旋師與貝勒多鐸往塔山
東沿海截隘俘百餘人六年五月從

上征察哈爾林丹汗遁大軍次穆魯哈喇克沁濟爾哈朗
與岳託德格類薩哈璘等率右翼兵二萬趨歸化
城收察哈爾部衆千餘七年三月奉

命築岫巖城五月明將孔有德耿仲明自登州航海來降

濟爾哈朗等迎護其衆明兵及朝鮮兵來追者懾
我軍威遁去事具英親王傳六月

詔問征明及察哈爾朝鮮三者何先濟爾哈朗奏言朝鮮
不遵約當返其貢姑與互市不必往征明乃吾敵
國宜取其近京數城久駐伺隙別屯兵山海以東
錦州以西擾其耕穫使不得休息復分兵半營山
海關前半繞入關後內外夾攻敵必絀八年五月
上復親征察哈爾濟爾哈朗奉

命留守瀋陽十年四月改元崇德建號大清改瀋陽為

盛京大封王公以濟爾哈朗功多晉封和碩鄭親王

十二月

上親征朝鮮復以王留守

盛京三年十月征明王奉

命率所屬自前屯衛進發十一月會大軍於中後所明兵

懼不敢出乃移師攻模龍關五里保屯臺克之四

年五月征明錦州及松山杏山與敵遇九戰九敗

之俘二千有奇五年三月葺義州城

上親臨閱有舊附明之蒙古多羅特部蘇班岱阿巴爾岱
居杏山西五里臺遣托克托內籲請以三十戶來
歸

上命王與豫親王多鐸郡王阿達禮等率師千五百往迎
瀕行

諭曰敵見我兵少必來拒戰可分一旗兵為前後中三隊
前隊拒戰後隊應援遂奉

命行夜過錦州城南至杏山令托克托內入臺潛告蘇班
岱阿巴爾岱等攜戶口輜重行及旦明杏山總兵
劉周智沿城列兵與錦州松山守將共率兵七千
分翼列陣逼我師王令駐軍待敵呼噪而來王督
戰與諸王貝勒等分隊衝入身先陷陣大敗之追
奔至城下斬其副將楊倫周延州叅將李得位復
遣兵破敵兩營於城南獻所獲馬械於

御營分賚有差

上加賜御廐良馬一九月同武英郡王阿濟格等圍錦州
城中兵屢出犯王設伏城南俟敵敵覺而遁追斬
六十餘人又遣輔國將軍務達海俘明運糧兵於
杏山塔山間六年三月復圍錦州環城立八營掘
壕築塹設邏卒為久困計時大壽在城中以蒙古
兵守外郭蒙古台吉諾木齊吳巴什等欲降潛遣
人賫書縋城約獻東關至期為大壽所覺遣兵襲
之交相戰聲聞郭外王率兵至城下應之蒙古兵

縋登我師合擊明兵明兵敗入內城遂據其郭遷
郭內蒙古六千餘口於義州並收降明都司守備
以下官八十八員使馳奏

上命八門擊鼓集羣臣宣捷於

篤恭殿四月明援兵自杏山移松山王遣郡王阿達
禮貝勒羅洛渾等率右翼伏錦州南山西岡武英
郡王阿濟格等率左翼伏松山北嶺令前鋒軍挑
戰敵至伏起夾擊大敗之五月明總督洪承疇率

兵六萬援錦州屯松山北岡我師擊之斬首二千
六月睿親王多爾袞肅郡王豪格等率師來代聞
明兵自松山趨海口我左翼兵向松山東右翼兵
向松山西夾擊却之追至松山城獲馬五十餘振
旅還八月承疇等率兵十三萬至松山

上親統大兵征之

命王留守

盛京九月

上將旋蹕王仍赴錦州更代圍城十二月承疇出兵六千
夜犯正紅正黃二旗營汎王令我兵各依汎地沿
壕射之敵敗走松山城閉不得入降二千餘敵從
杏山宵遁者復為伏兵所殲七年二月肅郡王豪
格等克松山城擒承疇王仍圍錦州三月大壽遣
人乞降請盟誓王留其使二人遣一歸傳諭曰我
圍困此城可旦夕取何與爾盟欲降則降非相強
也大壽乃率衆斂營降四月與多爾袞率兵攻塔

山以紅衣礮克其城進圍杏山以礮轟擊城中懼
開門降乃籍俘獲數以

聞奉

命毀松山塔山杏山三城而還七月叙功

賜鞍馬一蟒緞百八年八月

世祖章皇帝嗣位王與睿親王多爾袞同輔政九月偕武

英郡王阿濟格攻明寧遠拔中後兩城斬遊擊吳

良弼都司王國安等進攻前屯衛拔之斬總兵李

輔明袁尚仁中前所總兵黃色棄城遁追敗之併
取中前所遂班師順治元年正月王集內三院六
部諸大臣諭以凡政事先白睿親王書銜名亦先
之五月睿親王入山海關擊走流賊李自成九月
王扈

駕入京師十月

上御皇極門加封信義輔政叔王

賜金千兩銀萬兩緞千疋四年二月以造第踰制擅用銅

獅銅龜銅鶴罰鍰罷輔政五年三月貝子屯齊等
訐王在

盛京時不舉發兩黃旗大臣謀立肅親王私議及扈
駕入闕擅令兩藍旗越次立營前行等事降多羅郡王閏
四月復和碩鄭親王爵九月

命為定遠大將軍統兵討湖廣十月道出山東勦曹縣土
賊拔其城獲賊渠李化鯨李名讓張學允等得降
鎮劉澤清逆書煽亂狀以

聞叛黨並伏誅六年正月由安陸府渡江抵長沙時明桂
王朱由榔之總督何騰蛟及附由榔之總兵馬進
忠王進才杜允熙陶養用胡一青糾流賊餘黨一
隻虎等據湖南府縣王令順承郡王勒克德渾都
統阿濟格尼堪為前哨自率大軍繼進抵湘潭生
擒騰蛟拔其城四月分兵趨永興擊走允熙遂至
辰州一隻虎聞風遁又令尚書阿哈尼堪都統劉
之源等擊進才於寶慶克其城又連破南山坡大

水紅江諸路兵凡二十八營寶慶平七月分兵定靖州進衡州斬養用破一青七營於城南山進勦至廣西全州分兵定道州及烏撒土司貴州黎平府先後收六十餘城七年正月凱旋四月論功

賜金二百兩銀二萬兩八年二月同巽親王滿達海端重親王博洛敬謹親王尼堪奏削故睿親王封爵事
詳睿忠親王傳三月

上以王年老一切朝賀謝恩免行禮九年二月晉封叔和

碩鄭親王十二年二月疏言

太祖高皇帝開創初日與四大貝勒五大臣及衆台吉等
討論政務得失諮訪兵民疾苦使上下交孚鮮壅
蔽故能上合

天心下洽民志掃靖羣雄肇興大業

太宗文皇帝續承大統紹述前猷亦時與諸王貝勒大臣
講論不輟且崇獎忠直鼓勵英傑錄微功棄小過
凡下詔令必先講求其可以順民心垂久遠者然

後施行又慮武備廢弛不忘騎射時

駕出射獵諸王貝勒置酒讌會以優人演劇為樂

太宗皇帝還自獵次克勤郡王岳託以聞

太宗皇帝勃然怒曰我國肇興治弓矢繕甲兵視將士若赤子故人爭効死每戰必克以成大業朕常恐後世子孫棄我國淳厚之風沿習漢俗即於輜淫今汝等為此荒樂欲國家興隆其可得乎遣大臣索尼再三宣

諭令

聖上詔大小臣工盡言無隱誠欲立綱陳紀綿國祚於無疆也臣以為平治天下莫要於信詔令順民心前降

諭軫恤滿洲官兵疾苦聞者無不懼忭嗣又令修造乾清宮詔令不信何以使軍民服從伏祈效法

太祖

太宗不時與內外大臣詳究政務得失凡事必預為商確然後頒之

詔令見諸施行庶幾法行令信可以紹

二聖之休烈矣抑臣更有請者垂休典謨光昭令德莫要

於設立史官

聖主統一中原事事以堯舜為法但

起居注官尚未設立古之聖帝明王進君子退小人順

天心合民志措天下於太平垂鴻名於萬世良於

史臣有賴今宜倣古制特設記注官置之左右凡

聖主嘉言懿行一一記載於以垂憲萬世傳之無窮亦治

道之一助也

上嘉納之三月同貝勒尚善等議吏科副理事官彭長庚
正白旗一等子許爾安請復睿親王舊封妄頌功
勲結黨煽亂應立斬

上命從寬流徙又議廣東布政使胡章誣奏平南王尚可
喜靖南王耿繼茂縱兵占官廨等事與誣告凡人
不同應立絞

上命褫職免罪五月王疾劇

駕親臨問問叔王有遺言乎王泣對曰臣蒙

太祖皇帝宮中撫養

太宗皇帝信任又蒙

聖恩寵用受

三世深恩未能仰答不勝感痛惟願以取雲貴滅桂王統

一四海為念且滿洲甚少而能破流寇取京都應

加撫卹

上垂涕曰天何不令朕叔長年耶言已大慟

駕旋

命工圖其像翌日薨年五十有七

詔輟朝七日

賜祭塋銀萬兩置守園十戶立碑紀功康熙十年六月追

謚曰獻乾隆十九年九月入祀

盛京賢王祠四十三年正月

上追念鄭親王忠勲

命配享

太廟

詔以現襲之簡親王復始封號曰鄭濟爾哈朗子四長
富爾敦次濟度次勒度次巴爾堪富爾敦封世子
蚤卒濟度襲封簡親王自有傳勒度於順治八年
閏月封敏郡王九年十月擢議政王十二年八月
薨年二十康熙十一年八月加謚曰簡

和碩簡純親王濟度

濟度鄭獻親王濟爾哈朗次子順治八年閏二月

封多羅簡郡王四月其兄富爾敦薨九月濟度封
世子九年十月任議政十一年十二月授定遠大
將軍率貝勒巴爾楚渾貝子務達海都統噶達渾
統兵征福建海寇鄭成功十二年九月師至福建
聞泉州賊遁駐福州久之乃進駐泉州十三年七
月授誠偽總兵黃梧副將蘇明鄭純謀殺偽總兵
華棟等自海澄縣遣迎大兵偽官八十餘人兵一
千七百俱降王自泉州移駐漳州俄聞成功犯福

州遣副都統覺羅阿克善叅領巴圖魯褚庫護軍
叅領伊巴格圖赴援遇賊高齊陸路敗之斬二百
級將至福州賊艘二百餘泊烏龍江阿克善等水
陸齊進擊敗之追至大漳河口斬偽總兵林祖蘭
等獲船十有四時惠安閩安漳浦頻告警分遣護
軍統領覺羅雅布蘭副都統阿玉錫等往勦斬賊
二千餘獲船數百先後降偽總兵一副將五叅將
遊擊以下五十人兵三千有奇十四年三月班師

上遣議政大臣哈什屯等迎之盧溝橋令先赴鄭親王喪

所

上親臨其第慰之五月襲封和碩親王爵仍其原封郡王

之號曰簡十七年七月薨年二十八康熙十年六月追謚曰純十八年二月以濟度第三子德塞襲封和碩簡親王康熙九年三月德塞薨謚曰惠無嗣以德塞弟喇布襲

原封和碩簡親王喇布

弟雅布
從孫豐訥
亨
從子德沛

喇布簡純親王濟度次子初於康熙七年正月封三等輔國將軍九年九月襲封和碩簡親王十三年九月以逆藩吳三桂耿精忠分擾江西

特命為揚威大將軍鎮江寧十四年九月

諭移師江西十二月遣兵斬賊朱三於東鄉縣十五年二

月遣兵敗賊王用等於鄱陽縣之沙蘭栗嶺五月奏招撫南康吉安饒州偽官四百五十餘兵萬五千有奇七月奏耿逆偽都督楊益茂據金谿縣大

兵破其木寨斬三千餘級復金谿十月遣兵赴萬
年縣勦賊楊彪萬勝等破賊衆於五都馮家山十
二月奏故平南王尚可喜子之信在廣州乞降以
所齎密疏上陳先是三桂賊將高大傑韓大任等
陷吉安王奏調綠旗兵會勦又請

敕總督運紅衣礮十具攻吉安並從之

諭戒以勿坐守觀望因奏省會繁要不可輕離至是將軍

額楚等與大任戰於吉安螺子山失利

上命侍郎班廸等赴吉安察狀還奏

諭令戴罪圖功王乃親圍吉安十六年三月賊夜出南門
逸王入城駐軍六月奏招撫江西各屬偽官千九
百餘兵三萬七千四百有奇又疏言韓大任等屯
寧都樂安諸處調兵三路進勦大任願降請為入
告

詔報可既而大任自寧都出擾萬安太和等縣王請調兵禦勦
諭曰簡親王喇布自到江西未建尺寸之功安坐會城虛

糜糧餉迨赴吉安以重兵圍城逆賊韓大任奔逸不能
擊滅致竊據寧都雖遣副都統布舒庫等率兵前往究
未大創賊衆今韓大任自寧都竄突延及萬安泰和諸
處不能撲勦又以兵少具奏計喇布所轄滿漢兵為數
不少一韓大任未能剪除任其出入宜即嚴加處分念
現在與賊相持姑俟事平日議罪十七年正月護軍統
領哈克三等敗大任於老虎洞燬其營斬六十餘
級大任奔福建赴康親王傑書軍降二月

詔移師湖南駐茶陵八月奏三桂死衡州

詔令進師十八年正月王遣前鋒統領希佛等進取衡州
賊帥吳國貴夏國相等宵遁復其城二月分兵復
祁陽耒陽等縣及寶慶府招降偽總兵卓英董世
興偽副總兵周嘉貞等又偽將軍全鉞偽總兵馬
隆興熊天章曾大捷姜繼尚偽侍郎范思徵等相
繼降六月疏言隨征之烏拉寧古塔兵千二百餘
人應遵

旨撤還但新寧諸處賊未平請暫留勦從之八月疏言將
軍穆占復新寧安親王岳樂克武岡賊竄遁臣駐
東安遣烏拉寧古塔兵還京令穆占駐新寧

諭嚴責其不追勦賊於沅州靖州九月奏偽副將張朝貴
等七十餘人降與偏沅巡撫張朝珍安插

詔進定廣西駐桂林十九年正月奏昭義將軍伯馬承蔭
標下糧匱兵噪撥餉給乃定又言馬承蔭奉

旨設五營會勦雲貴今請自募兵七千增立援勦二營

上以將軍標無七營例不允三月王率兵往柳州至永福
聞承廕復叛降吳逆暫駐桂林五月奏大兵分路
進勦總督金光祖破賊武宣復縣城將軍莽依圖
破賊陶登定象州臣由雒容進取柳州馬承廕率
官弁六百六十餘兵七千三百有奇來降八月
諭移駐南寧十月偽將軍饒一龍等率偽官三十九兵五
百餘以慶遠府降是月

命選所部兵付大將軍賴塔進定雲南二十年八月

詔攜柳州南寧間駐兵還京十月薨年二十有八二十一年十二月追論吉安諸處失機罪削爵二十二年三月以濟度第五子三等輔國將軍雅布襲和碩簡親王爵二十九年噶爾丹深入烏珠穆沁地雅布副安北大將軍恭親王常寧出喜峯口往征旋命趨赴撫遠大將軍裕親王福全軍叅贊軍務八月敗噶爾丹於烏蘭布通噶爾丹乞宥罪旋由大磧山遁十一月師旋議不追勦罪削爵得

旨從寬罰俸三十五年二月從

上征厄魯特由中路進抵克魯倫河聞噶爾丹遁始還三
十八年十二月掌宗人府事四十年九月薨年四
十有四謚曰修雅布長子雅爾江阿初於康熙三
十六年封世子三十九年隨直郡王允禔分濬永
定河四十一年襲封和碩簡親王四十九年掌宗
人府事雍正元年充

玉牒館總裁三年十月告成

賜銀幣尋因編載遺漏及辦事屢誤停俸撤六佐領歸公
四年二月奏請再撤佐領乞

恩免停俸

諭責其人甚卑鄙終日沈醉諸事漫不經心下所司議處
削爵三月以雅布第十四子原封三等奉國將軍
神保住襲封和碩簡親王乾隆十三年九月

諭曰神保住自襲爵以來不知自愛恣意妄為致兩目
成眚因辭王俸朕加恩賞給半俸贍其度日之資伊

竟不知感恩守分且罔顧近派族人稍加周恤今據
宗人府劾奏神保住凌虐伊兄忠保之女其行事更
出情理之外著革去王爵另行請旨承襲尋以鄭獻
親王濟爾哈朗之從曾孫德沛襲封和碩簡親王
初鄭獻親王弟追封多羅貝勒芬古生傳喇塔封
固山貝子生福存襲固山貝子德沛福存第八子
也雍正十三年五月封三等鎮國將軍八月授兵
部左侍郎乾隆元年七月任古北口提督二年二

月授甘肅巡撫六月疏言備荒期於先籌賑恤貴乎實惠向遇歉歲州縣必俟詳允後動支倉庫錢糧上司又必委驗核減文移輾轉至開倉散賑時而饑民已轉徙流亡矣且倉廩大率在城近者尚可匍匐支領遠者每以跋涉甘餒是徒費

國家倉貯而饑民沾恩未遍甘省地處萬山風多雨少歲常歉薄民鮮蓋藏且地方遼濶倍他省州縣所轄由百里至四五百里不等間時已覺迢遙領

賑尤多狼狽雖筋力壯盛者亦不能數百里往返
領一日口糧況孤寡殘弱哉今歲雨暘時若可望
有秋但有備無患不得不預為綢繆臣思散賑貴
多設廠而專其責於州縣請預勘各州縣地方就
鄉村連絡處分擇公廨廟宇十餘處造具地方冊
籍遇散賑時該州縣具詳日即將倉糧散給務使
老少均霑強弱普被既無拮据之艱且免守候之
累則向苦流離之人皆得就食但運糧腳價費多

甘省每歲青黃不接時令各州縣平糶倉糧秋收
買補或遇豐年除還正項價餘亦即買糧存貯此
向例也嗣後賑恤運價應將此項糧價餘銀貯州
縣庫俾其買糧以為運費如不敷先於州縣庫不
拘何項動支再於司庫舊存公用銀十八萬內還
項賑畢造冊核銷如有捏冒者立即叅賠庶幾官
易為理而民沾實惠得

旨先事預防原當如此但運腳一項應用時咨部請示

九月擢湖廣總督三年四月疏陳苗疆七事一苗民懶不習田請於新聞苗疆代買牛種器具令地方官親勸開墾一苗民未覩禮讓請立義館以附近生員教誨一苗居山叢林密令官弁誘買樹木數年後山中無險可恃一苗寨係茅屋畏火攻請製火器一苗疆兵駐處偶有急需無項可支請於苗疆州縣庫存銀千兩同知通判駐所亦請交貯庫銀千兩並建常平倉買貯穀二三千石庶儲蓄

有備一邇地緊要官兵勢難分佈查山東沿海及
滇黔蜀粵俱有團練鄉勇之事應令地方官力行
此法互相警護立練總什長相統率一苗民貪賄
忘親凡犯罪逃匿之案請立賞格有能擒獻重犯
賞銀二十兩情罪稍輕者賞銀八兩先行刊石曉
諭時廷議水田未便開墾苗人不可欺誘至要犯
懸購臨時酌賞餘如所請行十二月攝襄陽鎮總
兵四年七月調閩浙總督八月疏言泉州府晉江

縣之衙口鄉大姓肆橫械鬪事不一而足祇緣僻處海濱不解法度查永寧舊寨地勢高敞去衙口陸行十餘里由海徑渡七八里即可直達且衙口原係陸路提標右營汛地應請即以該遊擊移駐永寧帶兵二百三十名其衙口後身空公庵設把總一兵五十名海邊石亭設汛一撥兵十名稽查彈壓又西倉處各大姓適中地查興化同知止司盜逃防海請以該管事務併歸興化通判即以該

同知改隸泉州移駐西倉下部議如所請五年二

月

諭廷臣曰德沛屢任封疆操守廉潔既一介不取而因公犒賞之處又復繁多所得養廉不能敷用以致京中逋負不能清還且棄舊有之產朕心深為軫念此等清官應格外加恩以風有位着將福建藩庫銀就近賞給一萬兩示朕優獎之意六年二月

命稽查潞墅北新兩關七月兼署浙江巡撫七年四月

調兩江總督八月疏言揚州猝被水廬舍蕩然現
在自揚州至寶應堤埂高阜災民斷續搭蓬居住
將來興化泰州之無處容身者勢必移來窮民待
賑人烟雜沓奸良莫辨臣於揚州城廂及高郵寶
應令遊擊等水巡以期奸匪遁跡

上嘉之先是奉

上諭嗣後該州縣當秋成時穀價高昂不能買補而該
處存倉穀石尚可接濟者照例詳請展限於次年買

補倘穀價既屬不敷而貯倉穀石又係不足者准其
詳明上司以別州縣穀價之贏餘添補採買為酌盈
劑虛挹彼注此之計至是德沛奏言江南地廣人稠
穀不敷食歷條取資江廣及上江棕陽運漕等處
邇聞各處米價俱昂轉販者少如以別州縣贏餘
添補則江蘇所屬買補止有不足並無贏餘若因
籌補無項致倉貯全虛目前且無以濟用日後何
賴臣請俟秋成後各屬有糶價存庫者不拘本境

隣封擇時價稍平者即為代買其不敷之價應照
前撫臣徐士林所請於捐監項下補足至淮揚徐
海等州縣現在被災印官賑務殷繁不能兼顧已
飭藩司動支司庫銀十萬兩遴員採買俟飭提各
屬糶價歸欸

上是之如所請行八年二月

召來京六月授吏部右侍郎十二月兼管國子監祭酒
事務十年七月教習庶吉士十一年二月

諭曰侍郎德沛因伊度日艱難指伊弟簡親王現食俸
祿奏請借支十年以完舊逋以資生計著照所請行
閏三月轉吏部左侍郎十二年三月兼署戶部左
侍郎五月署山西巡撫九月

命尚書房行走十二月擢吏部尚書十三年七月以疾
解任九月

諭曰神保住已獲罪革爵德沛於此王爵既有承襲之
分且在等輩中較為厚重可即令承襲王爵德沛襲

王之後宜追念從前諸王將族中應行資助之人加
意周恤共相和睦以期仰沐朕恩於無既是月襲封
和碩簡親王十七年六月薨年六十五謚曰儀十
月以鄭獻親王濟爾哈朗之曾孫奇通阿襲封和
碩簡親王初鄭獻親王第四子巴爾堪生巴賽襲
封輔國公奇通阿巴賽第十子也雍正四年八月
封三等輔國將軍九月授頭等侍衛九年襲父輔
國公爵十年授散秩大臣乾隆元年任正紅旗滿

洲都統三年授領侍衛內大臣十七年襲王爵二十一年掌宗人府事二十二年充

玉牒館總裁二十八年六月薨謚曰勤以其長子豐訥亨襲豐訥亨初於乾隆八年二月封三等輔國將軍二十三年七月以三等侍衛領班奉

命率健銳營兵一千勦準噶爾餘孽及回部十一月至阿克蘇城十二月隨叅贊大臣舒赫德進師巴爾楚克二十四年正月至呼爾瑞逆回霍集占引賊

五千餘米犯豐訥亨同侍衛豐安等合諸軍擊却之追潰衆十餘里翌日再進賊據塹拒復奪塹所乘馬創易馬進賊退避夜率兵取水於沁達勒河連敗賊衆於渡口遂進援大軍之與賊相持於葉爾羌者敗賊於葉爾羌河岸大軍聞鎗礮聲突圍出合擊賊衆却之乃還阿克蘇

詔嘉其臨陣奮勇遷二等侍衛尋擢鑲白旗滿洲副都統十月以經理臺站至額格爾呼爾瑞遇結寨出

掠之布魯特賊衆斬二十餘級得

旨獎叙二十五年三月

頒賚緞十二銀五百四月調阿克蘇兵赴伊犁充領隊
大臣九月率兵百捕竊馬臺站之瑪哈沁賊衆過
察爾圖嶺窮追十餘日擒七十餘人獲馬五十餘
復得

旨獎叙二十七年二月同領隊大臣伊勒圖驅越境遊
牧之哈薩克部衆擒其魁五人收其馬二千餘至

伊犁

詔以哈薩克歸附日淺未知內地法度宥其罪

諭獎豐訥亨熟悉情形令傳

旨曉諭哈薩克釋還其人及馬閏五月彙叙出征以來
功得三等功牌一頭等功牌四予雲騎尉世職十

二月還京

賜雙眼孔雀翎遷護軍統領管健銳營事二十八年十
月襲封和碩簡親王尋授領侍衛內大臣初簡勤

親王原襲之輔國公及豐訥亨之雲騎尉世職因已襲親王銷除三十年六月

上以豐訥亨頻年出征頗著勞績其先世功勲所遺公爵宜仍予襲遂以豐訥亨之弟經訥亨襲互詳武襄輔國公傳三十四年正月任正黃旗漢軍都統三十八年十月掌宗人府事四十年十二月薨年五十有三謚曰恪以其次子積哈納襲封和碩簡親王積哈納初於乾隆四十年四月授頭等侍衛

四十一年五月襲封和碩簡親王尋授散秩大臣
四十三年正月

命復鄭獻親王始封之號仍為鄭親王四十九年五月
薨年二十有七謚曰恭以子幼俟及歲時議襲

贈和碩親王武襄輔國公巴爾堪

子巴賽

巴爾堪鄭獻親王濟爾哈朗第四子順治十一年
十二月授三等輔國將軍康熙十三年

命同鎮東將軍拉哈達鎮兗州巴爾堪署副都統六月

詔率蒙古兵赴江寧八月以逆藩耿精忠賊黨由饒州犯

徽州

命江寧將軍額楚偕巴爾堪進勦巴爾堪先驅九月至旌
德聞賊據績谿疾進度徽嶺賊千餘迎戰敗之額
楚繼至並抵績谿賊衆環逼合兵擊逐十餘里斬
三千餘級復徽州勦賊黟縣至董亭橋賊五千餘
據橋列陣擊之遁別賊千餘越山來援復敗之斬
偽遊擊魏澄偽千總翁達等十一月進師婺源休

寧賊據奇台嶺擊走之趨黃茅嶺賊三千餘據
木柵拒令步兵分攻嶺左右騎兵攻其中斬五百
餘級賊棄甲仗遁復縣城躡之樂平縣段家村叛
將陳九傑糾賊八千餘以拒旋敗竄入縣即樹梯
登城攻復之餘賊據鄱陽雲吉峯下搜斬百餘級
復饒州十四年四月進攻萬年縣之石頭街賊四
萬餘斷渡口巴爾堪與額楚水陸並進破賊五十
七營斬五千餘級擒九傑獲船二百餘進攻安仁

縣賊兵八千餘乘船五百餘遁風逆泊岸巴爾堪
追及賊棄礮焚船竄又分兵擊敗齊爪郎諸賊於
南垣山五月至貴溪賊奔遂復縣城至弋陽偽總
管蔣德輅率兵五萬餘為九營以木石壘斷西岡
橋拒守偽總兵柯昇以賊兵五千餘自廣信趨援
別立六營巴爾堪同額楚分兩路進擊大破之斬
溺二萬餘擒偽遊擊張二奇都司張明德等八月
攻永豐賊於金石山陣斬偽都司李定等偽總兵

何起先以賊兵六千據玉山巴爾堪親率兵攻復
其城偽遊擊林二瞻以賊兵五百掠鉛山又浙江
逆黨八千自江山常山犯玉山巴爾堪分兵擊斬
無算十六年正月隨揚威大將軍簡親王喇布征
吉安與吳逆偽將軍韓大任戰於螺子山失利議
削爵仍戴罪圖功同額楚進征廣東九月勦賊韶
州蓮花山首衝敵陣奮力搏擊手被箭所乘馬亦
創易馬裹創力戰大破賊得頭等功牌十九年八

月簡親王喇布統師征廣西

上詔王進征時宜以巴爾堪總統營伍俾立功自効十月
創發甚劇自度不能痊語都統額赫納副都統幹
都海曰吾身為宗室不能死陣前今創發勿令家
人以陣亡冒功尋卒年四十有四喪還

上遣內大臣宗室輝塞往奠二十二年四月

上以巴爾堪出征有年隨處奮身前進傷亡可憫下部議

卹復輔國將軍雍正元年正月

特恩追封輔國公世襲罔替

賜謚武襄立碑紀功乾隆十七年十二月以孫奇通阿襲封和碩簡親王贈如其爵巴爾堪長子巴賽康熙二十一年四月授三等奉國將軍三十四年三月任鑲藍旗漢軍副都統三十五年二月從

上征噶爾丹五月至克魯倫河同平北大將軍瑪思喀追寇至巴顏烏蘭三十六年十月調正黃旗蒙古副都統三十八年罷任五十四年三月復授正黃旗

蒙古都統五月調鑲紅旗滿洲副都統十一月遷
正紅旗蒙古都統五十七年七月署黑龍江將軍
六十一年十二月實授寧古塔將軍雍正元年正
月陳奏父巴爾堪勞績請

賜碑文得

旨俞允追封輔國公即以巴賽襲二年二月

召還京四年六月授振武將軍赴阿爾台軍營既至奏分

遣諸將駐牧特斯扎布罕等處俟降雪後撤回從

之五年十月

詔遣大臣更代尋以喀爾喀郡王丹津多爾濟奏巴賽管
兵整飭辦事妥協

命仍留駐七年三月

詔靖遠大將軍傅爾丹勦禦噶爾丹策凌以巴賽為副將
軍八年五月

詔傅爾丹來京籌軍務巴賽暫護大將軍印九年四月同
傅爾丹進駐科布多六月噶爾丹策凌糾賊三萬

來犯傅爾丹偕巴賽至扎克賽河獲賊二十餘人
訊之詭言賊不滿千在察罕哈達遊牧尚隔三日
程傅爾丹遂進至庫列圖嶺賊據險阻我軍傅爾
丹令移營和通呼爾哈諾爾賊兵二萬伏山谷伺
我軍甫移突出蒙古兵俱潰散收滿洲兵四千設
方營護輜重退渡哈爾哈納河登山列陣賊衆復
踵至傅爾丹趨右仍回科布多巴賽同副將軍查
弼納趨左越嶺至河濱力戰歿於陣年六十有九

尋陷賊之正紅旗前鋒校薩明阿脫歸得巴賽與
查弼納陣歿狀

上諭廷臣曰準噶爾賊衆侵犯北路將軍等急欲滅此朝食
忿激迎擊倉猝失利此皆國家養育多年之人朕遴
選任用冀其大樹功勲重邀爵賞伊等亦以世受國恩
竭力捐軀雖誤墮狡計而矢死効忠情殊可憫

賜卹如例入祀昭忠祠謚曰襄愍乾隆十七年十二月子
奇通阿襲封和碩簡親王贈如其爵奇通阿初於


雍正四年八月封三等輔國將軍九年十二月封

輔國公三十年六月

諭曰從前因奇通阿襲封簡親王銷去其原襲公爵近
閱宗室王公表傳奇通阿之王爵係按派應襲而其
公爵係伊祖父積有軍功相繼陣亡所遺不可泯沒
且豐訥亨頻年出征頗著勞績曾給雲騎尉世職亦
因已襲王爵銷去朕追念伊先世功勲又念豐訥亨
近日勞績所有從前銷去公爵着宗人府帶領豐訥

亨近派子弟引見請旨承襲七月

命以奇通阿第二子經訥亨襲封巴賽所遺之輔國公
四十年十一月經訥亨卒年三十有三四十一年
五月以經訥亨之長子積拉堪襲封輔國公



欽定八旗通志卷一百二十四

欽定四庫全書

史部

欽定八旗通志卷

一百二十五至
一百二十六

欽定四庫全書

欽定八旗通志卷一百二十五

人物志五

宗室王公傳三

和碩睿忠親王多爾袞

和碩睿忠親王多爾袞

多爾袞

太祖高皇帝第十四子初封貝勒天聰二年三月與同母

弟多鐸隨

太宗文皇帝征察哈爾多羅特部大敗之教穆掄俘獲萬

餘凱旋

車駕將還瀋陽宴羣臣

上以多爾袞從征有功

特賜號墨爾根岱青三年九月

上親征明克龍井關與三貝勒莽古爾泰等攻漢兒莊城

降之十一月率兵先驅赴通州河相視渡口捕哨

卒從

上攻北京明寧遠巡撫袁崇煥錦州總兵祖大壽等以兵
來援奉

命同莽古爾泰等迎擊之崇煥兵二萬屯廣渠門外多爾
袞由正路敗敵追殺至城壕隨大兵視薊州遇山
海關兵五千來援擊殲之四年二月

上自灤河旋蹕多爾袞與莽古爾泰先行破敵營斬級六
十獲馬八五年七月初設六部

特命管吏部事八月

上圍大凌河明兵出誘戰多爾袞偕諸將衝陣敵墮壕死者百餘城上錨矢齊發我將士有陣歿者

上切責其從官曰定例遇敵時貝勒坐鎮中軍令諸將率兵擊之今貝勒輕進戰爾等何不阻止倘有疎失爾等死不足蔽辜矣十月大壽以錦州降多爾袞與貝勒阿巴泰等以兵四千隨大壽作潰奔狀城中兵分路迎並為我軍擊敗之事詳饒餘敏郡王傳六年五月隨

上親征察哈爾大兵次木魯哈喇克沁

命同貝勒濟爾哈朗等停其部衆千餘於歸化城西南黃

河岸七年六月

詔問征明及朝鮮察哈爾三者何先多爾袞奏言今春宜

整頓兵馬乘穀熟時入邊圍北京截其援兵毀其

屯保為久駐計可坐待其敝也八年五月

上征明由

盛京統大兵西行出上榆林口至達代塔前駐營秋

七月

命同阿濟格貝勒等自巴顏珠爾格入龍門會大兵於宣
府沿途擊敗明兵將略保安州克其城殺守備一
會大兵於應州獻所獲八月略朔州城東至五臺
山還隨大兵視大同城九年二月

命與貝勒岳託薩哈璘豪格統兵一萬往收察哈爾林丹
汗子額哲四月至錫喇珠爾格降其台吉索諾木
及所屬千五百戶進逼托里圖恐其衆驚潰按兵

不動額哲母葉赫貝勒錦台什女孫也其弟南楚及族叔祖阿什達爾漢皆為我大臣因遣其宣

諭招撫額哲遂奉其母率眾宰桑台吉等眾迎降時鄂爾多斯部濟農來誘額哲往附盟誓而去前軍追及之多爾袞令留其使遣人諭濟農盡返所攜察哈爾人眾不然即移兵進攻濟農懼盡送於軍六月師還渡河岳託率兵千衛降眾駐歸化城多爾袞與諸貝勒攜額哲及宰桑台吉等证明自平魯衛

入敗明右衛兵至朔州毀寧武關破明羊房口兵
略代州忻州敗敵兵千餘至忻口敗代州哨卒追
至崞縣獲馬六十餘至黑峰口斬明哨卒四十自
應州赴平魯衛出邊敗明大同寧遠錦州援兵斬
馘無算仍由歸化城率降衆還察哈爾有元玉璽
順帝時失之沙漠越二百餘年歸元喬博碩克圖
汗後為林丹汗所得至是多爾袞令額哲獻於

上衆貝勒大臣以蒙古臣服且得前代璽表上

尊號事具頴毅親王傳崇德元年四月晉封和碩睿親王

八月

上以武英郡王阿濟格饒餘貝勒阿巴泰征明已越北京
命多爾袞同豫親王多鐸等率師征山海關以牽制明兵

至錦州收降城中士人胡有陞張紹楨門世文門
世科秦永福等聞武英郡王奏捷乃班師十二月
從

上征朝鮮次沙河保東岡二年正月同肅親王豪格統左

翼兵從寬甸路入長山口克昌州敗其兵於寧邊
城下又以五十人追敗其黃州援兵萬五千進取
江華島以紅衣礮擊潰兵舡四十我兵乘其船入
島殪伏兵十餘克其城獲朝鮮王妃及其二子國
王李侗窮蹙乞降

上班師

命王同貝勒杜度約束後軍攜朝鮮王質子李湮李湜及
大臣子以還三年二月

上親征喀爾喀

命同禮親王代善等留守並監築遼陽都爾弼城逾月工竣改名屏城復同阿巴泰董治

盛京至遼河大路廣十丈高三尺夾以壕八月

勅授奉命大將軍証明與揚威大將軍貝勒岳託分兵略地多爾袞領左翼兵自董家口東登山毀邊牆入掩其無備取青山營與右翼兵會通州河西逾北京自涿州分兵八道右沿西山麓左沿運河長驅

前進歷北京迤西千里內明將卒皆潰遁略地至山西界還復至臨清州渡運河攻破濟南還略天津遼安由太平寨出青山關二十餘戰皆捷克城四十降者六俘戶口二十五萬七千有奇我將士無一傷者四年四月凱還

車駕至

盛京王陳所獲於

篤恭殿按旗具冊進獻

上酌納之

賜馬五白金二萬五年五月同肅親王等赴明義州屯田
諭以駐營近錦州斷敵往來路至則攻克城西九臺盡刈
其禾稼又攻克小凌河西二臺七月明兵五百出
錦州城夜襲我鑲藍旗營擊却之斬八人明總督
洪承疇至寧遠分兵據杏山營城下擊敗其騎兵
獲馬七十

上遣人傳

諭曰王等但固守營壘俟敵來犯乃擊之是月敵兵千餘
出戰卻復入擊斬甚衆獲馬百餘復斬其出樵者
八十六人又追斬明兵夜入義州戕我屯卒者九
月敗敵杏山城北擊松山援兵獲馬匹甲仗六年
二月攻廣寧山城擊斬松山援兵二百四十及出
獵小凌河之錦州兵百七十餘是時圍錦州之王
貝勒等移營去城三十里又令每旗一將校率每
佐領下甲五人先歸

上遣鄭親王濟爾哈朗往代傳

諭王曰前令爾等圍錦州由遠漸近以困之今雖城遠駐
致敵人田獵輓運任意往來軍律何在若久駐馬疲當
遍察以定去留仍嚴懲不善牧者乃均派遣還尤屬錯
謬其由何人倡議各指名擬罪王覆奏臣因敵兵在錦
州松山杏山三城者其馬皆牧他處若彼來犯可
更番抵禦是以遣每旗官一員率每佐領下五人
還牧馬修治甲冑器械又因舊駐近城處草盡移

遠就牧皆臣倡議應治臣罪

上遣內大臣等至遼河傳

諭曰朕愛爾過諸子弟賚予獨厚以爾勤勞國政恪遵朕命故也今於圍敵緊要之時離城遠駐遣兵還家何違命若此其自行議罪王奏臣識庸慮短背違

諭旨罪應死

上命降為郡王罰銀萬兩奪兩佐領戶口六月同肅親王豪格等往代鄭親王濟爾哈朗等圍錦州時承疇

率王樸李輔明唐通白廣恩曹變蛟馬科王廷臣
吳三桂八大將合兵十三萬來援錦州次松山屢
迎戰王擊却之以敵兵多請濟師

上親統大軍往征

駕渡遼河疾馳六日至戚家保

遣大學士剛林

諭王等先駐營高橋俟大兵合圍松山杏山王等奏

聖駕親臨臣等勇氣增倍惟務進攻但明兵甚衆臣等屢

攻戰微有損傷若再速戰恐力不及遽立營高槁
慮敵潛約錦州松山兩處夾攻請

上暫駐松山杏山間

上允之自烏欣河南山至海綿亘列營明兵屢犯我鑲藍
旗鑲紅旗諸汛既敗卻伺我軍歸營輒來犯

上張黃蓋指揮布陣明將士望見皆大驚潰遁王偕貝子
洛託等趨塔山大路橫擊之敵死者相枕藉復同
武英郡王阿濟格以紅衣礮攻克塔山外四臺斬

殺甚衆生擒臺內副將王希賢等斬守備二都司
一三桂樸由杏山奔寧遠九月師還

命同肅郡王豪格等還守

盛京十一月同肅郡王豪格代貝勒杜度等圍錦州
七年二月下松山城承疇就擒三月克錦州大壽
以城降四月同鄭親王以礮攻克塔山城殲官屬
及兵七十復以礮攻杏山城管糧官朱廷榭副將
呂品奇降盡毀松山塔山杏山三城乃班師七月

叙功復爵和碩睿親王八年八月

世祖章皇帝即位禮親王集諸王貝勒議以鄭親王與王輔政王自誓曰如不秉公輔理妄自尊大天地譴之越日郡王阿達禮私語王曰王正大位我當從王貝子碩託亦言內大臣及侍衛皆從我謀欲王自立王遂與禮親王發其謀阿達禮碩託並伏誅十二月同鄭親王集眾議罷諸王貝子貝勒管理六部順治元年正月朝鮮國王李倬餽物於王

語鄭親王及諸大臣曰朝鮮王因子取江華島時全其妻子歲以餽來較諸王獨厚曾奏聞

先帝受之今我等輔政誼無私交不當受遂卻之並定議

禁外國餽送諸王貝勒是月多爾袞與鄭親王濟

爾哈朗同攝政鄭親王集內三院六部都察院理

藩院大臣諭以凡政事皆先啟睿親王書銜名及

坐立班次行禮儀注皆以睿親王為首三月都統

和洛輝等訐肅親王怨王不立已語言狂悖迺集

衆定讞削肅親王爵以議政大臣揚善等諂附謀
亂誅之四月

上御篤恭殿授王奉命大將軍勅印

勅曰我

皇祖肇造丕基

皇考底定宏業重大之任付於渺躬今蒙古朝鮮俱已歸
服漢人城郭土地漸次攻克征討之舉所關甚重朕年
幼冲未能親履戎行特命爾攝政和碩睿親王多爾袞

代統大軍用加殊禮錫以御用纛蓋等物及奉命大將軍印往定中原一切賞罰俱便宜從事至攻取方略爾王欽承

皇考聖訓諒已素諳其諸王貝勒貝子公大臣等事大將軍當如事朕同心協力以圖進取庶

祖考英靈為之欣慰欽哉於是王率武英郡王豫郡王及恭順王孔有德懷順王耿仲明智順王尚可嘉等啟行師次翁後明山海關總兵平西伯吳三桂遣

副將楊坤遊擊郭雲龍致書請兵王得書即移錦
州紅衣礮向山海關報三桂書曰我國向欲與明
修好屢次致書明君臣不計國家喪亂生民塗炭
曾無一言相答是以整師三入蓋示意於明官吏
軍民欲其熟籌通好也若今日則不復出此惟有
底定中原與民休息而已予聞流賊攻陷京都崇
禎帝慘亡不勝髮指用率仁義之師沉舟破釜誓
不返旌必滅賊出民水火伯遣使致書思報主恩

與流賊不共戴天誠忠臣之義勿因向守遼東與
我為敵尚復懷疑昔管仲射桓公中鉤桓公用為
仲父以成霸業今伯若率衆來歸必封以故土晉
為藩王國仇可報身家可保世世子孫長享富貴
如河山之永也師次連山三桂復遣郭雲龍孫文
煥來致書請速進兵王星馳踰寧遠次沙河距山
海關十里三桂報賊已出邊立營王命諸王率精
兵逆擊敗賊將唐通於一片石師至關三桂出迎

王諭三桂歸營兵各以白布繫肩為識恐與賊混致誤殺令先驅入關時李自成率賊兵二十餘萬自北山橫亘至海列陣以待我兵少對賊布陣不能橫列及海王令曰流賊橫行久獮且衆不可輕擊吾觀其陣太相去遠首尾必不能顧我兵可鱗次對賊陣尾伺其氣衰突之必勝努力破此則大業成矣勿違節制越伍躁進陣既列三桂兵列右翼末悲衆搏戰是日大風揚沙塵咫尺莫辨賊力

鬪良久我軍呼噪者再風隨止從三桂陣右突出
衝賊中堅萬馬騰躍飛矢如雨集自成登高岡監
戰知為我兵遂膽悸策馬下岡走我兵無不一當
百追奔四十里賊大潰遁回京師王即軍前承

制進三桂爵平西王賜玉帶蟒袍貂裘等物令關內軍人
各薙髮以馬步兵萬隸三桂先驅追賊又誓諸將
曰此行除暴救民滅寇安天下勿殺無辜勿掠財
物勿焚廬舍不如約者罪之仍諭官民以取殘不

殺共享太平之意諭下凡百姓逃竄山谷者莫不
大悅各還鄉里薙髮迎降五月朔師次通州自成
已先一日焚宮闕括金幣西遁王令諸王貝勒貝
子等與三桂各率所部追賊翼日王入京師明文
武百官率軍民老幼焚香跪迎朝陽門外設故明
鹵簿請乘輦王曰予法周公輔成王不當乘輦諸
臣以周公負扆攝政固請王曰予來定天下不可
不從衆意乃乘輦入武英殿下令安輯百姓飭將

士入城毋入民舍有卒屠民家犬射傷犬主斬以徇民皆安堵如故為明崇禎帝發喪三日具帝禮塋歸順諸臣以明原官任事以京內外經賊蹂躪鰥寡孤獨無生計者勅所司養贍令曰養民之道莫大於省刑罰薄稅斂自明季禍亂刁風日熾以越訴訐訟為常設機搆訟自今嘉興維新凡五月二日昧爽以前罪無大小悉行宥免違諭興訟者以所告罪罪之細事就有司告理重大經撫按結

案非機密毋得入京越訴訟師誣陷良民加等反
坐前朝弊政莫如加派遼餉外又有剿餉練餉數
倍正供遠者二十年近者十數載天下嗷嗷朝不
及夕更有召買糧料諸名目巧取殃民今與民約
額賦外一切加派盡予刪除如官吏仍混征暗派
察實治罪初諸王大臣等追賊至望都大破之自
成奔西安畿輔諸城俱納款分遣都統覺羅巴哈
納石廷柱葉臣及侍郎王鰲永等招撫山東山西

河南時明福王朱由崧自立於江寧改元弘光大
學士史可法督師揚州又設江北四鎮沿淮徐置
戍卒王欲招之降令南來副將韓拱薇叅將陳萬
春等致書可法曰予向在瀋陽即知燕京物望咸
推司馬後入關破賊得與都人士接見識介弟於
清班曾託其手勒平安拳致衷緒未審以何時得
達比聞道路紛紛多謂金陵有自立者夫君父之
讐不共戴天春秋之義有賊不討則故君不得書

堊新君不得書即位所以防亂臣賊子法至嚴也
闖賊李自成稱兵犯闕手毒君親中國臣民不聞
加遺一矢平西王吳三桂介在東陞獨效包胥之
哭

朝廷感其忠義念累世之宿好棄近日之小嫌爰整
貔貅驅除狗鼠入京之日首崇懷宗帝后謚號卜
塋山陵悉如典禮親郡王將軍以下一仍故封不
加改削勲戚文武諸臣咸在朝列恩禮有加耕市

不驚秋毫無擾方擬秋高氣爽遣將西征傳檄江
南聯兵河朔陳師鞠旅戮力同心報乃君國之讐
彰我

朝廷之德豈意南州諸君子苟安旦夕弗審事機聊
慕虛名頓忘實害予甚惑之

國家之撫定燕都乃得之於闖賊非取之於明朝也
賊毀明朝之廟主辱及先人我

國家不憚征繕之勞悉索敝賦代為雪耻孝子仁人

當如何感恩圖報茲乃乘逆寇稽誅

王師暫息遂欲雄據江南坐享漁人之利揆諸情理
豈可謂平將以為天塹不能飛渡投鞭不足斷流
耶夫闖賊但為明朝祟耳未嘗得罪於我

國家也徒以薄海同讐特伸大義今若擁號稱尊便
是天有二日儼為勍敵予將簡西行之銳轉旆東
征且擬釋彼重誅命為前導夫以中華全力受制
潢池而欲以江左一隅兼支大國勝負之數無待

著龜矣予聞君子之愛人也以德細人則以姑息
諸君子果識時知命篤念故主厚愛賢王宜勸令
削號歸藩永綏福祿

朝廷當待以虞賓統承禮物帶礪山河位在諸王侯
上庶不負

朝廷伸義討賊興滅繼絕之初心至南州羣彥翩然
來儀則爾公爾侯列爵分土有平西之典例在惟
執事實圖利之輓近士大夫好高樹名義而不顧

國家之急每有大事輒同築舍昔宋人議論未定
兵已渡河可為殷鑒先生領袖名流主持至計必
能深維終始寧忍隨俗浮沉取舍從違應早審定
兵行在即可西可東南國安危在此一舉願諸君
子同以討賊為心毋貪一時瞬息之榮而重故國
無窮之禍為亂臣賊子所笑予實有厚望焉記有
之惟善人能受盡言敬布腹心佇聞明教江天在
望延跂為勞書不宣意可法旋遣人報書曰南中

向接好音法隨遣使問訊吳大將軍未敢遽通左
右非委隆誼於草莽也誠以大夫無私交春秋之
義今倥偬之際忽捧琬璧之章真不啻從天而降
也循讀再三殷殷致意若以逆賊尚稽天討煩
貴國憂法且感且愧懼左右不察謂南中臣民媿安
江左竟忘君父之怨敬為

貴國一詳陳之我大行皇帝敬天法祖勤政愛民真
堯舜之主也以庸臣誤國致有三月十九日之事

法待罪南樞救援無及師次淮上凶問遂來地折
天崩山枯海泣嗟乎人孰無君雖肆法於市朝以
為泄泄者之戒亦奚足謝先皇帝於地下哉爾時
南中臣民哀慟如喪考妣無不拊膺切齒欲悉東
南之甲立翦兇讐而二三老臣謂國破君亡宗社
為重相與迎立今上以繫中外之心今上非他神
宗之孫光宗之子而大行皇帝之兄也名正言順
天與人歸五月朔日駕臨南都萬姓夾道歡呼聲

聞數里羣臣勸進今上悲不自勝讓再讓三僅允
監國迨臣民伏闕屢請始以十五日正位南都從
前鳳集河清瑞應非一即告廟之日紫雲如蓋祝
文升霄萬目共瞻欣傳盛事大江湧出枏梓十萬
章助修宮殿豈非天意也哉越數日遂命法視師
江北刻日西征忽傳我大將吳三桂借兵

貴國破走逆成為我先皇帝后發喪成禮掃清宮闕
撫輯羣黎且罷薙髮之令示不忘本朝此等舉動

振古鏖今凡為大明臣子無不長跼北向頂禮加額豈但如明諭所云感恩圖報已乎謹於八月薄治筐篚遣使犒師兼欲請命鴻裁連兵西討是以王師既發復次江淮乃辱明誨引春秋大義來相詰責善哉乎推言之然此文為列國君薨世子應立有賊未討不忍死其君者立說耳若夫天下共主身殉社稷青宮皇子慘變非常而猶拘牽不即位之文坐昧大一統之義中原鼎沸倉卒出師將

何以維繫人心號召忠義紫陽綱目踵事春秋其
間特書如莽移漢鼎光武中興丕廢山陽昭烈踐
阼懷愍亡國晉元嗣基徽欽蒙塵宋高續統是皆
於國讐未翦之日亟正位彌綱目未嘗斥為自立
率以正統與之甚至如元宗幸蜀太子即位靈武
議者疵之亦未嘗不許以行權幸其光復舊物也
本朝傳世十六正統相承自治冠帶之族繼絕存
亡仁恩遐被

貴國昔在先朝夙膺封號載在盟府寧不聞乎今痛心本朝之難驅除亂逆可謂大義復著於春秋矣昔契丹和宋止歲輸以金繒回紇助唐原不利其土地况

貴國篤念世好兵以義動萬代瞻仰在此一舉若乃乘我蒙難棄好崇讐規此幅帟為德不卒是以義始而以利終為賊人所竊笑也

貴國豈其然往先帝軫念潢池不忍盡戮剽撫互用

貽誤至今今上天縱英明剌剌以復讐為念廟堂之上和衷體國介冑之士飲泣枕戈忠義民兵願為國死竊以為天亡逆闖當不越於斯時矣語曰樹德務滋除惡務盡今逆賊未服天誅諜知捲土西秦方圖報復此不獨本朝不共戴天之恨抑亦貴國除惡未盡之憂伏乞堅同仇之誼全始終之德合師進討問罪秦中共梟逆賊之頭以洩敷天之憤則

貴國義問照耀千秋本國圖報惟力是視從此兩國
世通盟好傳之無窮不亦休乎至於牛耳之盟則
本朝使臣久已在道不日抵燕奉盤盂從事矣法
北望陵廟無涕可揮身陷大戮罪當萬死所以不
即從先帝者實惟社稷之故傳曰竭股肱之力繼
之以忠貞法處今日鞠躬致命克盡臣節所以報
也惟殿下實昭鑒之書至宣付內院先是畿輔初
定王遣輔國公屯齊哈和度等迎

上駕奏言京師形勢宜建都

皇上宅中圖治宇內朝宗可慰天下仰望心至是率諸王

迎

駕於通州十月

上御皇極門

賜冊寶封叔父攝政王建碑紀績復豪格肅親王爵晉阿

濟格為英親王同三桂可喜由邊外趨綏德復多

鐸豫親王爵同有德仲明由河南趨西安剿賊定

都後豫親王還征江南二年五月鄭親王等議定攝政王儀制視諸王有加禮王曰

上前未敢違禮他處如議行翌日入

朝見諸臣皆跪遂回輿責大學士剛林等曰諸臣何故跪此

皇上之朝門也他處行此禮尚可乃行之

朝門豈有竟受之禮其諭衆官知之御史趙開心疏言攝政王見諸臣跪迎即回因諸臣徒知尊王而

不知王之尊

皇上也以叔父之親兼攝政之尊原與諸王有異然羣臣謁王當與朝見

皇上禮不同宜明定儀制又稱號必先正名

上諭稱攝政叔父王叔父惟

皇上得稱之若臣庶皆稱則尊卑無異臣以為當於叔父

上加一皇字庶上下辨而名義定疏下禮部議行

六月豫親王克揚州可法死之遂下江寧擒由崧

於蕪湖江南平閏六月英親王剿賊至武昌東下
九江故明寧南侯左良玉之子夢庚率衆降遂班
師七月王致書豫親王曰王遣貝勒博洛等招撫
常州蘇州杭州紹興諸府降故明潞王朱常淂淮
王朱常清已悉知之大兵日久勞苦王可率諸將
士還京南京改稱江南省應天府改為江寧府王
量留兵交貝勒勒克德渾都統葉臣駐守朱氏在
任者改補他職所鑄錢留充鑲洪武陵設太監四

名守陵兵四十名給地供祭祀授誠官或來京或
彼處安置王其酌行之又致書英親王曰爾等先
稱流賊盡滅李自成已死後又言戰敗兵凡十三
次則先稱殲賊竟屬虛語今又聞自成遁江西爾
等既稱在江西候

旨何竟啟行八月英親王還京王令停遣官出迎尋議英
親王出征時罪降郡王事具本傳十月誠浙江總
督張存仁曰各官之任曾屢飭盡忠勤職毋諂媚

餽遺本王爾為封疆大吏宜表率僚屬乃送爾本
王緞茶豈前諭未知聞耶後勿復如此是月同鄭
親王肅親王入謝

上賜良馬恩出

諭曰凡遇朝賀大典朕受王禮若此等小節毋與諸王同

王奏

上年幼冲臣不敢違禮俟

上春秋鼎盛凡有

寵恩自不敢辭十二月集諸王貝勒貝子公大臣等遣人傳語以尊崇

皇上誠諭媚已且曰

太祖

太宗所貽之業予必力圖保護俟

皇上春秋鼎盛即行歸政又曰前所以不立肅親王者非

予一人意因諸王大臣皆曰若立肅親王我等皆

無生理是以不立傳語畢惟豫親王不答使者還

報復遣傳語曰昔

太宗賓天時予在

朝門幄中坐爾與英親王跪請即尊位謂兩旗大臣
屬望我者多諸親戚皆來言予時以死自誓乃已
此言豈烏有耶豫親王語塞諸王請議其罪王以
事在赦前且誠令自省非欲加罪免之三年正月
遣肅親王征四川流賊張獻忠二月集尚書公英
俄爾岱等語曰予為

上攝政惟恐事多闕誤生民失所日夜焦思又素嬰風疾勞瘁弗勝予有過毋或瞻徇其一一指陳至

國家事各有專屬戶部惟英俄爾岱內院惟范文程剛林甯完我額色赫是賴皆當勉力勿憚勞又言諸王均宜優養安榮其跪拜儀文殊為可省日者肅親王出師予為祖道以金鞍良馬解贈王屈體而受予心惻至今因欲禁此禮爾等為我善諭之五月率諸王大臣出安定門送豫親王征蘇尼特

部諭將帥皆宜躬先臨陣奮勇破敵勿退後冒虛
名八月豫親王擊敗喀爾喀部土謝圖汗碩雷汗
凱旋王迎之烏蘭諾爾宴賚出征王貝勒及外藩
台吉等四年七月集各部尚書啟心郎等諭曰內
大臣禮部僉以豫親王功懋應進封輔政叔王予
初亦念及以王為予季弟猶豫未果今思黜陟為
國家鉅典烏容瞻顧爾等與諸王議行又誠豫親王
曰汝繼予輔政其益加勤勉尋罷鄭親王輔政復

阿濟格親王十二月以風疾不能跪拜從諸王大
臣議元旦節

上前行禮後起立以待其進酒入班行跪禮俱停止五年
二月肅親王平四川凱旋王以肅親王徇隱隨征
護軍統領希爾根冒功事又欲擢用罪人揚善之
弟吉賽戒飭再三不引咎令諸王大臣論罪幽繫
之七月王見三桂子應熊服黃紗衣詰之乃豫親
王所與罰豫親王銀二千兩十二月大同總兵姜

璜叛遣副都統阿喇善等助英親王圍剿六年二月王自將征大同次固爾班口有碩雷汗部下七人來歸言碩雷汗兵馬距十日程王因出張家口趨喀爾喀行三日以馬瘠且道乏水罷仍移師討璜三月朔次桑乾河先遣官招撫渾源州應州越數日應州從賊叅將張祖壽山陰從賊知縣劉永錫各詣軍前降師薄大同遣人諭璜曰渾源負固不服已克平應州山陰皆效順予今來此速開門

迎降當宥爾今不降勢迫後降亦不從與其自取
死亡不如速歸順壤抗拒如故端重郡王博洛承
澤郡王碩塞復代州敬謹郡王尼堪剿賊太原率
都統阿賴等屢戰皆捷斬偽巡撫姜輝王即軍中
晉封三郡王為親王告之曰爾等向不在貴寵列
予以同僚

太祖孫加錫王爵位次俸祿不得與大藩等王先歸四月
以貝子務達海鎮國公屯齊喀等征大同令英親

王還京六月英親王遣人啟王以輔政德豫親王
子不當優異鄭親王不當稱叔王而自請為叔王
王拒之曰豫王功多且舊封親王其子多爾博予
養為子多尼應襲王爵何謂優異鄭王雖叔父子
封親王亦久爾原為郡王何得妄思越分英親王
復請營府第王乃數其擅加大同衆官銜級諸罪
今後勿預部事接漢官并誡衆曰諸王及內大臣
有干預部院政事及內外漢官升降者不論言是

非即治罪予于各官應遣者遣應降者降豈如明
李偏聽人言輕為進退耶至諸王於非所屬官員
私傳至府者罪在諸王聽傳往者罪在衆官如遇
應傳之事諸王必先啓奏方許又諭禮部曰予師
行在外所出政令必關六部都察院鑾儀衛之事
原設印信不便攜行今倣古制別鑄印各一加行
在二字以後差遣侍衛用鑾儀衛印七月復統師
征大同行十餘日遣護軍統領索渾布爾根助親

王滿達海勦賊寧武關獵於阿魯什巴爾台等處而還八月寧武關偽總兵劉緯偽道趙夢龍等降大同偽總兵楊振威等斬壤及其兄弟首獻軍前賊黨以次削平九月一等輕車都尉希福自以奉使外藩勞丐王優用王以其自請諭內大臣等議罪應棄市令免死革職不許隨朝及往來諸王大臣家十月以喀爾喀二楚呼爾嘗犯邊統師討之徵教漢扎魯特察哈爾烏喇特土默特四子部落

各以兵會至喀屯布拉克不見賊乃班師七年二月令部事不須題奏者付親王滿達海及端重親王敬謹親王料理五月獵山海關令親王多尼順承郡王勒克德渾貝子務達海錫翰鎮國公漢岱並議政六月獵中後所議隨獵王貝勒等不整行列罪貝勒屯齊尚善貝子扎喀納罰鍰有差宥親王滿達海罰申戒之七月王欲於邊外築城清暑令戶部計額徵地畝人丁數加派直隸山西浙江

山東江南河南湖廣江西陝西九省銀二百四十
九萬兩有奇輸工用是月

上幸王第視疾王以錫翰與內大臣席訥布庫等奏請

駕臨降罰有差八月遣禮部尚書阿哈尼堪迎朝鮮王李

湔之弟阿哈尼堪啟理部事諸王以理事官恩國

泰自代事覺議罪革阿哈尼堪職罰親王滿達海

銀三千兩降端重親王敬謹親王為郡王各罰銀

二千兩十一月王以疾偕諸王貝勒獵邊外十二

月薨於喀喇河屯年三十有九

上聞震悼

親率王貝勒大臣縞服迎奠東直門外

允議政大臣請部院事仍令滿達海博洛尼堪三王理之
八年正月議以王嗣子多爾博襲封親王俸祿視
諸王三信用物同

御用者徹去裁護衛百員為六十議入得

旨朕之初心本欲於攝政王歸政後優禮酬報不意王中

道捐棄未遂朕懷今多爾博應特加恩禮所議裁去護衛四十朕殊不忍其仍留八十員尋以王近侍蘇克薩哈詹岱為議政大臣復博洛尼堪親王

詔各省輸助築城銀盡抵今年額徵錢糧二月蘇克薩哈詹岱等首告王薨時其侍女吳爾庫尼將殉呼從官羅什博爾惠蘇拜穆濟倫告以王曾製八補黃袍令與大東珠朝珠黑貂褂潛置棺內又欲於永平園房以兩旗官兵移駐與都統和洛輝等共定

逆謀因出獵稽遲未行於是鄭親王濟爾哈朗吳親王滿達海端重親王博洛敬謹親王尼堪內大臣等疏言昔

太宗文皇帝龍馭上賓諸王大臣共矢忠誠翊戴

皇上因方在冲年令臣濟爾哈朗與睿親王多爾袞同輔政逮後多爾袞獨專威權不令濟爾哈朗預政遂以母弟多鐸為輔政叔王背誓肆行妄自尊大所用儀仗音樂衛從俱僭擬

至尊造府與

宮闕無異擅用織造緞疋糜庫貯金銀又搆陷威逼使肅親王不得其死戶口財產不歸公俱以肥己凡一切政事及批票本章不奉

上命概稱詔旨擅作威福任喜怒為黜陟僭妄背理不可枚舉又不令諸王貝勒貝子公等入

朝辦事今日候府前竟以朝廷自居顯有悖逆心臣等從前畏威吞聲今蘇克薩哈等首告逆謀詳鞠

皆實應追治其罪削爵黜宗室籍財產入官其嗣
子多爾博給信親王多尼疏入得

旨如議行十二年正月

詔內外大小官直言時政吏科副理事官彭長庚疏言從
古沖齡踐位致治太平者莫如成王之明躬任勞
怨輔成主德者莫如周公之忠然而流言一起袞
衣居東直至風雷召變金縢感悟而周公之忠益
著成王之明益彰我

朝創業

盛京諸王俱樹勲勞而睿親王之功為冠當

太宗文皇帝上賓後堅持盟誓扶立

皇上鞠躬任事此可信其忠誠者一也遇奸人煽惑離間

骨肉如郡王阿達禮貝子碩託私謀擁戴乃執大

義立置典刑史書載列昭若日星此可信其忠誠

者二也及奉

命統兵收拾明疆大權在握關內關外咸知有攝政王一

人是時

皇上沖齡遠在

盛京彼若肆然自帝誰能禁之而乃先驅綏定肅整
鑾輿恭迎

聖駕此可信其忠誠者三也是以當其初薨固無異議乃
為時無幾論罪削爵毀滅過甚臣曾詢之故老聽
之傳聞輒歛歛迷惑以為功多罪少應存議親議
故之條若謂私匿

帝服御用等物必由彼傳諭織造早晚齎送暫停王府未
可議為不軌也方今

皇上宵旰求寧而水旱頻仍似同風雷之警冤抑既久公
道宜伸乞

賜昭雪復舊封一以彰

太祖之有子

太宗之有弟

皇上開創之有臣且以見

太宗知人之明因以勵諸王作忠之氣則幽明交感災眚可弭成王周公豈得專美於前乎一等于許爾安亦疏言睿親王為宗室元勲昔

太宗文皇帝任以心膂託以大事未見其不忠也我

皇上定鼎初贊輔匡襄鞠躬盡瘁撫綏中外天與人歸亦未聞有不忠也乃身歿之日羣議蜂起以天潢懿親勤勞一生竟泯沒一旦其何以慰

太宗在天之靈勵大小臣工之心昔成王感風雷之變而

啟金滕周公心事始昭白千古睿親王罪固難辭
功亦不可泯若宥其罪而錄其功修其墳墓俾得
霑

恩九京則大小臣工異域窮谷無不頌我

皇上天地為心矣疏並下王大臣議鄭親王濟爾哈朗貝

勒尚善等言長庚爾安妄頌睿王元勲比擬周公

結黨煽亂應論死家產籍沒妻子為奴

詔從寬並流徙寧古塔許爾安所罷父定國世爵准定國

他子承襲乾隆三十八年二月

諭曰睿親王多爾袞當

世祖章皇帝冲齡踐阼時攝政有年威福自專不能恪盡
臣節身歿之後因其屬人首告經諸王大臣定罪除
封成案俱在弟念我朝定鼎之初睿親王實先統衆
入關肅清京輦檄定中原前勞未可盡泯今其後嗣
廢絕而塋域之在東直門外者歲久益就榛蕪亦堪
惻憫着交內務府派員往視繕葺仍為重植松楸並

准其近支王公等以時祭掃用昭朕萬念成勲之意

四十三年正月

諭曰睿親王多爾袞當開國時首先統衆入關掃蕩賊氛肅清宮禁分遣諸王追殲流寇撫定疆陲一切創制規模皆所經畫尋即奉迎

世祖車駕入都定國開基以成一統之業厥功最著顧以攝政有年威福不無專擅諸王大臣未免畏而忌之遂至歿後為蘇克薩哈等所拊授款於其屬人首告

誣以謀逆經諸王定罪除封其時我

世祖章皇帝實尚在冲齡未嘗親政也夫睿王果萌異志則方兵權在握何事不可為且吳三桂之所迎勝國舊臣之所奉止知有攝政王耳其勢更無難號召即我滿洲大臣心存忠篤者自必不肯順從然彼誠圖為不軌無難陰鋤異志以逞謀逆乃不於彼時因利乘便直至身後以斂服僭用明黃龍袞指為覬覦之證有是理乎况英親王阿濟格其同母兄也於追捕

流賊回京時誑報李自成身死且不候

旨班師睿王即遣員斥責其非免王公等往迎之禮又因
阿濟格出征時脅令巡撫李鑑釋免逮問道員及擅
至鄂爾多斯土默特取馬會議其罪降為郡王平日
辦理政務秉公持正若此是果有叛志無叛志乎又
實錄載睿王集諸王貝勒貝子公大臣等遣人傳語曰今
觀諸王貝勒大臣等但知諂媚於予未見有尊崇
皇上者予豈能容此昔

太宗升遐嗣君未立英王豫王跪請予即尊位予曰若必如此言予即當自刎誓死不從遂奉

皇上續承大統是此危疑之日以予為君予尚不可今乃不敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗恩宥予躬所以特異於諸子弟者蓋深信諸子之成

立惟予能成立之每覽

實錄至此未嘗不為之墮淚則王之立心行事實能篤忠

盡感

厚恩深明君臣大義尤為史冊所罕覩使王彼時如宋太宗之處心積慮則豈肯復以死固辭而不為邪說搖惑耶乃王之身後久抱不白之冤於泉壤心甚憫焉假令王之逆跡稍有左驗削除之罪果出於我

世祖聖裁朕亦寧敢復翻成案乃實由宵小奸謀搆成冤

獄而王之政績載在

實錄者皆有大功而無叛逆之跡豈可不為之昭雪乎昨於乾隆三十八年因其瑩域久荒特敕量為繕輯並准其近支祭埽然以王之生平盡心王室尚不足以慰彼成勞朕以為應加恩復還睿親王封號追謚曰忠補入

玉牒並令補繼襲封照親王園寢制度修其瑩墓仍令太常寺春秋致祭其原傳有未曾詳叙者並交國史館

恭照

實錄所載敬謹輯錄增補宗室王公績傳用昭彰闡宗勲
至意於是多爾袞追復舊封配享

太廟其睿親王爵世襲罔替

御製紀事詩曰流言恐懼似周公公則生前王已終無倖
位心真是睿有開基業孰齊忠謚增一字非私惠論
定千秋付衆同配食嚴封推

祖澤睦親惇叙最宗功八月入祀

盛京賢王祠初多爾袞薨後無嗣以豫親王第三子
多爾博為嗣及諸王議多爾袞罪削爵多爾博歸

本宗

恩封多羅貝勒生蘇爾泰龍固山貝子生塞勒塞勒生功

宜布皆龍輔國公功宜布生如松龍信郡王如松
第三子淳穎初於乾隆三十六年四月初龍信郡
王修齡所遺之輔國公四十三年正月

上既退復多爾袞舊封

命以淳穎罷封和碩睿親王四十九年五月總理正紅
旂覺羅學

欽定八旗通志卷一百二十五